



N°2232
Entrée le 18.04.2025
Chambre des Députés
Déclarée recevable
Président de la Chambre des Députés
(s.) Claude Wiseler
Luxembourg, le 18.04.2025
Chambre des Députés

Ministère de l'Agriculture, de l'Alimentation et de la Viticulture	8
Référence : 250/25	
18 AVR. 2025	
A traiter par	
Copie à	

Claude WISELER
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 17/04/2025

Här President,

Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un d'Ministesch fir Landwirtschaft, Ernährung a Wäibau weiderzeleeden.

Zu Lëtzebuerg reegelt ee groussherzoglecht Reglement vum 16te November 2018 baséierend um Déireschutzgesetz, wéi eng Déieren een als Hausdéier halen dierf. Op der Lëscht vun den erlabten Hausdéieren sti Mais an deemno gehéieren och dës Déieren geschützt. Et ass awer leider esou, dass Mais extra geziicht a verkaf ginn, fir se dann un aner Déieren ze verfideren, notamment u Reptilien.

An deem Zesummenhang wéilt ech der Ministesch dës Froe stellen:

1. Ass et legal, Déieren ze ziichten, fir se un aner Déieren ze verfideren?
2. Dierfen d'Déieren, déi op der Lëscht vum groussherzogleche Reglement sinn, un aner Déiere verfiddert ginn?
Falls jo, wat muss hei respektéiert ginn?
3. Wéi vill Autorisatiounen fir d'Zucht vun Déieren sinn de Moment insgesamt ausgestallt?
Wéi vill vun dësen Autorisatiounen betreffen d'Zucht vun Déiere fir Verfiderungszwecker?
4. Ass gewosst, wéi vill Déieren fir Verfiderungszwecker a Lëtzebuerg importéiert ginn?

Mat déiwem Respekt,

GOERGEN Marc
Deputéierten



www.piraten.lu



**Äntwert vun der Ministesch fir Landwirtschaft, Ernährung a Wäibau op d'parlamentaresch Fro
n°2232 vum 17. Abrëll 2025 vum éierewäerten Députéierten Marc Georgen**

1. Ass et legal, Déieren ze züchten, fir se un aner Déieren ze verfidderen?

Jo. Am europäesche Katalog vun den Eenzelfuddermëttel (Reglement 68/2013) stinn ënner anere
folgend erlaabte Produkter :

- Warembloodeg Landdéieren : dout, ganz oder Deeler dovun;
- Wirbellos Landdéieren : lieweg oder dout, an allen Entwécklungsstadien (z. Bsp. Insekten);
- Wirbellos Waasserdéieren : lieweg oder dout, ganz oder Deeler dovun, an allen
Entwécklungsstadien.

Dës Eenzelfuddermëttel mussen den Ufuerderungen aus dem Reglement 1069/2009 iwwert déieresch
Nieweprodukter entspriechen.

**2. Dierfen d'Déieren, déi op der Lëscht vum groussherzogleche Reglement sinn, un aner Déiere
verfiddert ginn?**

Falls jo, wat muss hei respektéiert ginn?

Jo. Wann ee Betrib Déieren zücht als Fuddermëttel fir aner Déieren, da muss de Betrib sech bei der
ALVA als Fuddermëttelhersteller registréieren an déi entspriechend Fuddermëttelgesetzgebung
respektéieren : Hygiènesvirschrëften, Qualitéitssécherungssystem, Traçabilité, Kennzeechnungs-
virschrëften, ... Sou wéi all Fuddermëttel mussen och d'Déieren, déi un aner Déiere verfiddert ginn, all
déi gültig Grenzwäerter bei unerwünschte Stoffen an all déi gültig mikrobiologesch Grenzwäerter
anhalen.

D'Déierenhaltung muss konform zum Déiereschutzgesetz sinn.

3. Wéi vill Autorisatiounen fir d'Zucht vun Déiere sinn de Moment insgesamt ausgestallt?

Wéi vill vun dësen Autorisatiounen betreffen d'Zucht vun Déiere fir Verfütterungszwecker?

D'Zucht vun Déieren ass am Art.6(2) 2 + 3 vum Déiereschutzgesetz gereegelt. Just d'Zucht vun Hënn
a Katzen ënnerläit enger Autorisatioun. De Moment ginn et 59 Autorisatiounen fir d'Zucht vun Hënn
oder Katzen zu Lëtzebuerg.

D'Fuddermëttelgesetzgebung gesäit fir Betriber déi Déiere fir Verfütterungszwecker züchten keng
Autorisatioun, mee eng Registréierung vir. Momentan ass zu Lëtzebuerg kee Betrib als Züchter vun
Déiere fir Verfütterungszwecker registréiert.

4. Ass gewosst, wéi vill Déiere fir Verfütterungszwecker a Lëtzebuerg importéiert ginn?

Op Lëtzebuerg gi keng Déiere fir Verfütterungszwecker aus Drëttstaaten importéiert. D'Liwwerung vu Fuddermëttel aus aneren EU-Staaten ass keen Import wéinst dem gemeinsamen europäesche Bannemaart. Déi grenziwwerschreidend Liwwerungen um Bannemaart müssen net ugemellt ginn, dofir ginn et keng Informatiounen ob a wéi vill Déiere fir Verfütterungszwecker op Lëtzebuerg geliwwert ginn. Bei de Fuddermëttelkontrolle gesinn d'Inspektoren vun der ALVA, dass verschidde Fuddermëttelhändler déifgefrueren Déiere wéi Raten, Mais oder Fësch als Fudder fir Reptilien verkafen.

Lëtzebuerg, den 14. Mee 2025

(s.) Martine HANSEN

Ministesch fir Landwirtschaft, Ernährung a Wäibau